




REPUBLIKA E KOSOVES-REPUBLIKA KOSOVA-REPUBLIC OF KOSOVO	
AGJENCIA KUNDËR KORRUPSIONIT	
AGENCIJA PROTIV KORRUPCIJE	
ANTI-CORRUPTION AGENCY	
Dep.	Nr Prot
Dep. 2-0/DPK	Br Prot
Dep. 2-0/DPK	Prot No 01-1203/15
Nr. I faq	Data
Broj stranica	Datum 22-04-2015
Nr. pages 02	Date
PRISTINE	



Republika e Kosovës Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI-CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit si dhe nenin 24 paragrafi 11 dhe 12 të Rregullorës së Punës të Agjencisë kundër Korrupsionit, Drejtori i Agjencisë kundër Korrupsionit me datë 20.04.2015, nxjerr këtë:

V E N D I M

I. Mbyllet rasti me Nr. AKK-03-02-914-15 për z.Filloreta Rexha – Këshilltare në Kuvendin Komunal të Kamenicës dhe Zyrtare Ligjore (Sekretare) në Qendren Kryesore të Mjekësisë Familjare (QKMF) në Kamenicë, sepse nuk ka konflikt faktik të interesit në ushtrimin e funksionit publik.

II. Zyrtarja e lartë, znj.Rexha është e obliguar që gjatë ushtrimit të këtyre funksioneve, nëse eventualisht paraqitet konflikti “rast për rast” i interesit, të bëjë deklarin e interesave private, ashtu siç e parasheh neni 13 (paragrafët 1,2,3) i Ligjit për Parandalimin e konfliktit të interesit në ushtrimin e funksionit publik.

III. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur nën dyshimin e bazuar për Konflikt interesi në ushtrimin e funksionit publik, me nr. AKK-03-02-914-15, për Zyrtaren e lartë, znj. Filloreta Rexha – Këshilltare Komunale në Komunën e Kamenicës, dhe njëkohësisht person i autorizuar në një biznes privat, është trajtuar sipas procedurës së paraparë ligjore, për parandalimin e konfliktit të interesit në ushtrimin e funksionit publik (Ligji Nr. 04/L-051).

Zyrtarja e lartë, znj.Rexha fillimisht është njoftuar me një shkresë zyrtare nga Agjencia kundër Korrupsionit, pas të cilës ai është kontaktuar nga zyrtarët e Agjencisë kundër Korrupsionit, me ç'rast, përfaqësuesi i saj, është njoftuar me pretendimet nga një palë e tretë për situatë të dyshuar për konfliktit interesi duke qene se znj. Rexha ushtron funksionin e Këshilltares komunale në KK të Kamenicës dhe njëkohësisht edhe pozitën e Zyrtares ligjore (Sekretare) në Qendrën Kryesore të Mjekësisë Familjare (QKMF) në Kamenicë.

Nga takimi me përfaqësuesin e zyrtares së lartë znj. Rexha, kemi konstatuar se pozita ose funksioni i Zyrtares ligjore (Sekretares) në Qendrën e Mjekësisë familjare nuk konsiderohet Shërbyes civil, andaj këtu edhe bien poshtë pretendimi se ajo nuk mund të mbajë këtë pozitë sipas Ligjit të Shërbimit civil (Neni 17 paragrafi 3) në të cilin është thirrur denoncuesi.

Në Ligjin Nr.03/L-149 – Për shërbimin Civil të Republikës së Kosovës neni 4 paragrafi 1, thuhet saktësisht se statusi i nëpunësit civil nuk aplikohet për një kategori të caktuar të punonjësve, me çka nënkuptohet se pozita e Sekretarit të QKMF, që është pjesë e stafit mjekësor të sistemit të shëndetësisë, nuk hynë në kategorinë e Shërbimit civil. Kjo, pikërisht ashtu siç është paraparë edhe me nenin 3, paragrafi 1.6 i Kontratës Kolektive Sektoriale, i cili shprehimisht thotë: **“Punëtorët e administratës përfshinë punëmarrësit nga shërbimi administrativ i institucioneve shëndetësore”**.

II. Ligji për Parandalimin e konflikti të interesit në ushtrimin e funksionit publik (Nr.04/L-051), në nenin 13 (paragrafët 1, 2, 3) ka paraparë situatat e deklarimit “rast për rast” të interesit për zyrtarët e lartë publik, si vijon:

Deklarimi rast për rast i interesave private të zyrtarit të lartë;

1. Çdo zyrtar i lartë gjatë ushtrimit të funksionit të tij publike, në bazë të njohurive të tij dhe në mirëbesim, detyrohet që të bëjë vet deklarimin paraprak, rast për rast, të ekzistencës së interesit të tij private lidhur me vendimmarrjen në një çështje të caktuar, që mund të bëhen shkak për lindjen e një konflikti të interesit.

2. Deklarimi rast për rast i interesave private bëhet çdo herë nga zyrtari i lartë, kur kjo kërkohet nga eprori ose nga institucioni mbikëqyrës. Deklarimi si rregull duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa me shpejt që të jetë e mundur.

3 . Vetë deklarimi si rregull bëhet me shkrim, kur zyrtari i lartë përfshihet në një vendimmarrje për ndonjë çështje të caktuar.

Prandaj bazuar në këto dispozita ligjore, hedhet poshtë pretendimi se paraqet konflikt interesi; ushtrimi i funksionit të Këshilltarit komunal dhe Sekretarit të QKMF Kamenicë duke e cilësuar pozitën e Sekretares si Shërbyes civil, për shkak se sipas ligjeve të referuara më lartë edhe shërbimi juridik në QKMF, Sekretari juridik i QKMF-së është pjesë e stafit mjekësor të shëndetësisë.

III. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Andaj u vendos si në dispozitiv të këtij vendimi.

Vendimi iu dërgohet:

- Zyrtari i lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Drejtor i Agjencisë kundër Korrupsionit



Hasan Preteni